

T25n1509\_p0322c02(00) || 大智度論釋

T25n1509\_p0322c03(06) || 習相應品第三之餘(卷三十六)

如經說：

T25n1509\_p0325a04(03) || 「因眼緣色生眼識，三事和合故生觸，

T25n1509\_p0325a05(04) || 是觸即時三眾共生，所謂受、想、行。」 問曰：

T25n1509\_p0325a06(06) || 眼識亦與三眾作因，何以但說「觸」？ 答曰： 眼識少時住，

T25n1509\_p0325a07(02) || 見色便滅；次生意識，能分別色好醜。

T25n1509\_p0325a08(04) || 是故不說眼識。 因眼、色、識三事和合故生觸；

T25n1509\_p0325a09(03) || 觸生心數法。眼識因緣遠故不說。 問曰：

T25n1509\_p0325a10(05) || 一切識皆有觸，何以但「觸因緣生心數法」？ 答曰：

T25n1509\_p0325a11(03) || 心有二種：一者、念念生滅心，二者、次第相續心。

T25n1509\_p0325a12(01) || 觸亦如是，**次第相續觸麤故**，

T25n1509\_p0325a13(06) || **說因觸生心數法；念念觸微細**，亦共生心數法，

T25n1509\_p0325a14(04) || 不了故不說。 若情、塵、識三事和合能受苦樂，

T25n1509\_p0325a15(04) || 爾時觸法了了，以是故說因觸生心數法。

T25n1509\_p0325a16(03) || 如色法從因緣和合生；心數法亦如是，

T25n1509\_p0325a17(04) || 從觸法和合生。 如色法從和合生，無和合則不生；

T25n1509\_p0325a18(00) || 心數法亦如是，有觸則生，無觸則不生。